



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Illvstri Regi Navarre.

urn:nbn:de:hbz:466:1-20006

E I D E M .

Epiſt. 208.
Ut fructatoriae
appellationes
nō recipiantur,
& reliqua de-
bito tempore
ſiniantur.

Licet sit appellantibus deferendum, ut sacrorum canonum approbant initituta, non tamen usque adeo relinqua est appellantibus effrenata licentia motus judicis evadendi, ut ea quæ correctione indigent in aliorum & appellantium detrimentum remaneant incorrecta, vel alterius jus esse diutius oporteat in suspenso, aut ei debeat præjudicium aliquod generari. Sanè proposuisti nobis in nostra præsentia constitutus quòd cum multi plerunque de tua dioceſi aduersarios suos sub examine tuo convenient, iudem ad oppressionem eorum appellationes fructatorias interponunt, nec ipsis volunt prosequi ut tenentur. Quocirca fraternitati tuae auctoritate præsentium indulgemus ut cùm à tuis subditis ad sedem apostolicam fuerit appellatum, licet tibi sit competenter ei terminum ad prosequendam appellationem præfigere; infra quem si contempserit appellationem prosequi quam emisit, ex tunc in ipso negotio procedendi appellatione interposita non obstante, nisi appellans * impedimento fuerit impeditus, liberam habeas facultatem. Nulli ergo &c. Datum &c. XIII. Kalend. Iunij &c.

R. ET R. ARCHIDIACON.

Bajocen. & H. Archidiacono
Constantien.

Epiſt. 209.
De cuiusdam
Decani audacia
coercenda; &
ne abſolvatur,
niſi laſſis priuſ
ſatisfecerit.

QVerela venerabilis fratri nostri Lexovien. Episcopi nobis exposita demonstravit quòd minor Decanus ven, fratri nostri Rothomagen. Archiepiscopi & Simon Capellanus ejusdem Ecclesiam sancti Candidi minus reverenter intrantes, in Lucam Presbyterum non tantum manus injecere violentas, verum etiam ad sacra vestimenta manus sacrilegas extendere præsumperunt, atque tam Ecclesiam ipsam quam Clericos ejus aliis injuris intolerabiliter molestantes, eandem parochiam contra justitiam invadere, corpora mortuorum in eorum præjudicium ad suam Ecclesiam deferentes. Quia igitur præter hæc enormia dictus Decanus quandam mulierem prægnantem pede taliter dicitur percussisse quòd ex eo fecit aborsum, distinctione vestre per apostolica scripta mandamus, quatenus si vobis confiterit de præmissis, prædictum Decanum ab offi-

cio beneficio que suspensum & Capellanum ipsum tamdiu appellatione postposita nuncieris ut excommunicatos ab omnibus arctis evitari, donec passo injuriam satisfecerint competenter, & cum vestrarum testimonio literarum ad sedem apostolicam veniant absolvendi. Nullis literis &c. Quòd si omnes &c. duo vestrum &c. Datum ut suprà V. Kalend. Iunij.

E P I S C O P O E B R O I C E N .
& Archidiacon. Lexovien.

Dilectus filius nobilis vir Radulphus de Rupetra Miles nobis humiliter fecit exponi quòd cùm in diversis Ecclesiis jus obtineat patronatus, in quadam capella sua de Rupetra, quæ est in suo proprio patrimonio construēta, de auctoritate nostra proposuit Canonicos instituere seculares, ita quòd redditus prædictarum Ecclesiarum, decedentibus eorum Prælatis, ad eosdem Canonicos devoluantur. Quocirca discretioni vestre per apostolica scripta mandamus, quatenus inquiratis super præmissis diligenter veritatem, & prout id secundum Deum videritis adimplendum, ejusdem nobilis propositum effectui mancipare curetis. Quòd si ambo &c. tu frater Episcope &c. Datum &c. IV. Kalend. Iunij &c.

I L L U S T R I R E G I

Navarre.

CArissimus in Christo filius noster Rex Anglorum illustris transmisso nobis conquestione monstravit quòd quædam castella, videlicet castrum sancti Iohannis de Pedeportus & de Rochabrun, quæ bona memoria pater tuus in dotem cum filia sua liberaliter ipsis concessit, pro tua detines voluntate, & adhuc ea reddere contradicis. Vnde regiam magnitudinem rogamus attentiū & hortamur, per apostolica tibi scripta mandantes, quatenus castella illa sine qualibet difficultate restituas conquerenti. Alioquin noveris nos venerabili fratri nostro Archiepiscopo Narbonen. scripsisse ut te ad restitutionem eorum per censuram ecclesiasticam monitione præmissa, cessante appellatione, justitia mediante compellat. Datum ut suprà.



PRIORI

Epiſt. 210.
Ve à Rodolpho
Milite confi-
ctam Ecclesiam
conferent, de-
dicebunt.

Epiſt. 211.
Vi Regi Anglo-
rum quædam
castella tradit.
Vide infra epiſt. 210.